



REPUBLIKA E SHQIPËRISË

MINISTRIA E FINANCËVE
DREJTORIA E PËRGJITHSHME E BUXHETIT
DREJTORIA E ANALIZAVE DHE PROGRAMIMIT BUXHETOR

Nr. 11583/1 Prot.

Tiranë, më 7 /7/2026

Lënda: Dërgohet udhëzimi plotësues i PBA 2027-2029

Ministrisë _____


Institucionit Qendror _____

Bashkëngjitur gjeni udhëzimin plotësues nr 15 Datë 7.7.2026 "Për përgatitjen e Programit Buxhetor Afatmesëm 2027-2029".

Me respekt,

MINISTRI

PETRIT MALAJ





REPUBLIKA E SHQIPËRISË

MINISTRIA E FINANCEVE
MINISTRI

11583

7. 7. 2026

UDHËZIM PLOTËSUES

Nr. 15 Datë 7 7 2026

**“PËR
PËRGATITJEN E PROGRAMIT BUXHETOR AFATMESËM 2027-2029”**

Në zbatim të ligjit nr.9936 datë 26.06.2008 “Për menaxhimin e sistemit buxhetor në Republikën e Shqipërisë” i ndryshuar, neni 27 dhe nënçështjen 3.2, Ministri përgjegjës për financat:

UDHËZON:

1. Njësitë e Qeverisjes Qendrore përgatisin dokumentin e Programit Buxhetor Afatmesëm 2027–2029, duke u mbështetur në tavanet përfundimtare të shpenzimeve të programit buxhetor afatmesëm.
2. Tavanet përfundimtare të shpenzimeve buxhetore për përgatitjen e Programit Buxhetor Afatmesëm 2026–2028, në nivel programi, janë miratuar me Vendimin e Këshillit të Ministrave nr. 515, datë 30.6.2026, dhe i janë bashkëlidhur këtij udhëzimi. Objektivi i fazës teknike të përgatitjes së Programit Buxhetor Afatmesëm 2027-2029 është përpunimi i detajeve teknike të buxhetit brenda taveve përfundimtare të miratuara. Në këtë kuadër, Njësitë e Qeverisjes Qendrore nuk mund të ri-sjellin kërkesa për financimin e politikave të reja dhe kërkesa për mangësitë në financim të politikave ekzistuese.
3. Të gjitha njësitë e Qeverisjes Qendrore, do të përgatisin kërkesa buxhetore për PBA 2027-2029 përmes sistemit AFMIS, dhe moduleve respektive të përgatitjes së PBA dhe PIM. Raportet e kërkesave buxhetore të gjeneruara përmes sistemit AFMIS do të dorëzohen zyrtarisht në Ministrinë përgjegjëse për financat.
4. Versioni i punës në sistemin AFMIS që do të zgjidhet nga Njësitë e Qeverisjes Qendrore, për fazën teknike duhet të jetë ai i taveve të pandryshueshme.
5. Përgjashtimisht për grupin 87, kërkesat buxhetore për PBA 2027-2029 duhet të përgatiten sipas formateve excel dhe së bashku me relacionin shpjegues t’i përcjellin zyrtarisht brenda afateve të përcaktuara në këtë udhëzim, në hard copy në Ministrinë e Financave dhe elektronikisht në adresën: budget.programming@financa.gov.al.

6. Krahës kërkesave buxhetore të përgatitura me sistemin AFMIS, njësitë e qeverisjes së qendrore, për fazën teknike do të paraqesin informacion në kuadër të përgatitjes së projektbuxhetit vjetor sipas formateve standarde bashkëlidhur këtij udhëzimi në shtojcën nr.1/A, të cilat përmbajnë:
- Pasqyra nr.1 “Të ardhurat e Veta”
 - Pasqyra nr.2 “Buxheti Vjetor 2027”
 - Pasqyra nr.2/1 “Buxheti Vjetor 2028”
 - Pasqyra nr.2/2 “Buxheti Vjetor 2029”
 - Pasqyra nr.2/3 “Pagesat e parashikuara për PPP”
 - Pasqyra nr.3 “Përmbledhësja e Pagave”
 - Pasqyra nr.4 “Numri i punonjësve organikë”
 - Pasqyra nr.5 “Numri i punonjësve me kontratë të përkohshme”
 - Pasqyra nr.6 “Fluksi i parasë”
 - Pasqyra nr.7 “Investimet Publike me financim të brendshëm”
 - Pasqyra nr.8 “Investimet Publike me financim të huaj”
7. Kërkesat për punonjës me kontratë të përkohshme për vitin 2027, së bashku me argumentimin përkatës, duhet të përfshihen në kuadër të kërkesave buxhetore afatmesme, sipas pasqyrës nr. 5 të shtojcës nr. 1/A,.
8. Kurset e Këmbimit për vitet 2019-2025 dhe parashikimi për vitet 2027-2029, që do të përdoren në planifikimin e shpenzimeve për projektet me financim të huaj, jepen si më poshtë:

Treguesit	Njësia	2019	2020	2021	2022	2023	2024	2025	2026	2027	2028	2029
									Para.	Para.	Para.	Para.
Kursi i këmbimit (mesatar)	Lek / USD	109.9	108.6	103.5	113.0	100.6	93.1	86.8	82.2	82.2	82.2	82.2
Kursi i këmbimit (mesatar)	Lek / Euro	123.0	123.8	122.5	119.0	108.8	100.7	97.8	96.2	96.2	96.2	96.2

9. Buxhetimi gjinor dhe gjithëpërfshirës në përgatitjen e programit buxhetor afatmesëm 2027-2029

- Në zbatim të ligjit 9936, datë 26.06.2008 “Për menaxhimin e sistemit buxhetor në Republikën e Shqipërisë”, i ndryshuar dhe të udhëzimit të përbashkët nr.21, datë 21.06.2013 “Për përcaktimin e procedurave për integrimin gjinor në programin buxhetor afatmesëm”, të gjitha ministritë e linjës dhe institucionet e tjera buxhetore qendrore, duhet të kryejnë analiza me bazë gjinore të sektorit përkatës, me qëllim:
 - përcaktimin e objektivave dhe treguesve të performancës me bazë gjinore, që ndihmojnë në kryerjen e analizave gjinore të sektorit përkatës dhe matjen e performancës së programit buxhetor.
 - detajimin e objektivave me bazë gjinore në produkte dhe kosto, të cilat synojnë zbutjen e pabarazive gjinore apo/dhe arritjen e barazisë gjinore, aty ku është e mundur.

Treguesit kyç të performancës me bazë gjinore dhe statistikatat e nevojshme për përcaktimin e tyre, mund të konsultohen në link-un: <https://arkiva.financa.gov.al/manual-per-treguesit-kyc-te-performances-me-baze-gjinore/>

Për të realizuar me sukses analizën gjinore, Ministria përgjegjëse për financat, me asistencën e UN Women në Shqipëri, ka përgatitur një format standard të analizës gjinore sipas shtojcës 2/A bashkëlidhur këtij udhëzimi, e cila këshillohet të përdoret nga EMP e programeve në procesin e kryerjes së analizës me qëllim avancimin e politikave të barazisë gjinore.

- b) të gjitha institucionet përgjegjëse të planifikojnë masa konkrete buxhetore zbutëse dhe përshtatëse për ndryshimet klimatike, në përputhje me planin kombëtar për energjinë dhe klimën, të shoqëruara me tregues të përshtatshëm dhe të matshëm performance, ku do të synohet që të identifikohet një ose disa produkte me kostot përkatëse që do të kontribuojnë në realizimin e tyre.
- c) Në kuadër të zbatimit të *Deklaratës së Ballkanit Perëndimor për Integrimin e Romëve, brenda Procesit të Zgjerimit të BE-së, firmosur në Samitin e Poznan, Korrik 2019, nga Kryeministrat e Rajonit*, si dhe, një buxhetimi sa më gjithëpërfshirës, të gjitha ministritë e linjës dhe institucionet qendrore që kanë programe buxhetore me politika të lidhura me integrimin e romëve dhe egjiptianëve këshillohen që në kërkesat e tyre buxhetore të evidentojnë dhe përfshijnë:
 - a. Qëllime/Objektiva/Tregues performance dhe produkte të dedikuara për integrimin e romëve dhe Egjiptianëve;

10. Afatet për përgatitjen e programit buxhetor afatmesëm 2027-2029

- a) Datat kryesore të Kalendarit të Menaxhimit të Shpenzimeve Publike për vitin 2026, të detyrueshme për t'u zbatuar për qëllim të këtij Udhëzimi, janë:
 - Afati për dorëzimin e Kërkesave të Programit Buxhetor Afatmesëm 2027-2029 për **Fazën teknike, është deri më datë 1 shtator 2026;**
 - Datat e seancave dëgjimore të Programit Buxhetor Afatmesëm 2027-2029, për **Fazën teknike**, paraqiten në **Tabelën nr.2**, bashkëlidhur këtij Udhëzimi. Në periudhat **14 Shtator-25 Shtator 2026**, Ministria përgjegjëse për financat do të zhvillojë seancat dëgjimore me të gjithë anëtarët e Grupeve të Menaxhimit Strategjik të Njësive të Qeverisjes Qendrore. Në këto seanca do të marrin pjesë gjithashtu, përfaqësues nga struktura përgjegjëse për planifikimin strategjik në Kryeministri dhe në Agjensinë Shtetërore të Programimit Strategjik dhe Kordinimit të Ndihmës, struktura përgjegjëse për integrimin europian në Ministrinë për Evropën dhe Punët e Jashtme, si dhe një përfaqësues për çështjet gjinore nga Ministria e Shëndetësisë dhe Mbrojtjes Sociale, në rolin këshillimor, gjatë të cilave do të diskutohen kërkesat për Programit Buxhetor Afatmesëm 2027-2029 të dërguara prej tyre. Në këto seanca do të jepen konkluzionet dhe rekomandimet përkatëse, sipas fushave përkatëse nga përfaqësuesit e institucioneve të sipërcituara, të cilat do të përfshihen në raportin përmbledhës të përgatitur nga Ministria përgjegjëse për financat, raport i cili u dërgohet zyrtarisht Njësive të Qeverisjes Qendrore.
- b) Ndëshkimet e parashikuara në nenin 71, të ligjit nr. 9936, datë 26.06.2008 “Për menaxhimin e sistemit buxhetor në Republikën e Shqipërisë”, do të zbatohen për nëpunësit autorizues në çdo rast të mundshëm të mosrespektimit të këtij udhëzimi.

11. Ndjekja e Procesit të Programit Buxhetor Afatmesëm 2027-2029 dhe Mbështetja Këshillimore

- a) Ndjekja dhe zbatimi me përpikmëri e këtij Udhëzimi nga ana e Njësive të Qeverisjes Qendrore do të raportohet rregullisht nga ministri përgjegjës për financat në Këshillin e Ministrave.

b) Të gjitha njësitë e qeverisjes qendrore, krahas dorëzimit të kërkesave buxhetore në hard copy në Ministrinë përgjegjëse për financat brenda afateve të përcaktuara në këtë udhëzim, duhet t'i dërgojnë elektronikisht këto kërkesa dhe në adresën e e-mail: budget.programming@financa.gov.al.

MINISTRI
PETRIT MALAJ

